

أنا صلصال

أنا عايش كما الصلصال
ف ايد الكل
دة يعمل منى حدوتة
ويحكلى
ودى تشكنى بنوتة
وتشكىلى

واخر الليل بكون وحدى
انا والذكرى لما تهل
انا عايش براضى الكل

ولو مرة ظهر ف عيونى
دمعة لوم
اوام امسحها واداريها
ومين ها يحس يوم بيها
وطول الوقت بتصبر

ب بكرة جديد
واشوف العيد
باين بالفرحة ف عنيكم

انا ليكم خيال الضل
اشيل عنكم ما ياذيكم
وفايتنى نهاري ف ظل
وليلي شموع تدفيكم

انا حلمي تحسوني
انا منكم
انا مش حكر يوم ليكم

لكن لومي على نفسي
انا فرطت ف حقوقي
ولسان حالي يقول فوقى

يكون ردى ولا يهمك
وانا اللي نفسي لو الاقى
واحد جنبى عشان يهتم

وحد يثيل معايا الهم

لكن كوني كما الصلصال
وانا اللي رضيت ب تشكيلي
هاعيش الجاي زي الامس
ومش مسموح ب إني ارفض
ولا مسموع لي حتى الهمس
ومين قال
ان في صلصال يوم اتألم
ومين ب دموعه يوم هايحس